



Հովհաննես Թումանյան

Գարնան հիշողություն

Մի՞տո՞ւ է գալիս մեր քեֆն, ընկեր,
Էն ճյուղաշատ ծառի տակին,
Երբ գրնացինք դիմավորենք
Նոր գարունքին ու նոր կյանքին:

Էն լավ օրից տարիք անցած,
Ես էն ճամփով անցնում էի,
Ու ականջիս դիպավ հանկարծ
Մեր աղմուկը ուրախալի...

Պարզ ու որոշ ես լըսեցի

Մեր կենդանի ձայներն, ընկեր,
Շրրբխկոցը բաժակների,
Աշխույժ ծիծաղ, ճառ ու երգեր...

Ու սրտաթունդ վեր նայեցի...
Բայց կարոտած աչքիս առաջ

Հանդում դալար ու ամայի
Մեր հին ծանոթ ծառն էր կանաչ:

Լուռ ու դատարկ մարգի վրա,
Մենակ կանգնած շրշում էր նա...
Մի՞տղ է գալիս մեր քեֆն, ընկեր...

Բայց ո՞վ գիտի՝ ուր ես հիմա...

1898